

277 § Säa'mkiõllsaž sosiaal- da tiõrvâsvuõttkääzkkõõzzi tuõrvvmõõžž vääras mie'rruum riikkveä'kkteä'ğğ ââ'nem till'lõõvmmõš ee'jj 2023

Lappi pue'rrvââjjamvuu'd vu'vddhalltõs 277 § 5.10.2022

Säa'mkiõl ohjjeemjoukk 13.9.2022

Riikk täällarvvlõõzzâst sosiaal- da tiõrvâsvuõttministeria vaaldsemvuu'dest lij leämmaž ee'jjest 2002 vue'ljee'l pe'lljmie'rkkuum riikkveä'kkteä'ğğ säa'mkiõllsaž sosiaal- da tiõrvâsvuõttkääzkkõõzzi tuõrvvmõõšsân saa'mi dommvuu'dest (mom. 33.60.36.). Riikkveä'kkteä'ğğ vuâđđââv sosiaal- da tiõrvâsvuõttministeria čiolgtõ'sse kiõl'laž minoritee'tti vueil'tlvažvuõđin vuäžžad jii'jjeskiõllsaž kääzkkõõzzid. Čiolgtõõzz e'tkkõõzz mie'ldd säa'mkiõllsaž kääzkkõõzzi tuõrvvmõš kai'bbai spesiaaljeällmõõžži diõtt pe'lljmie'rkkuum riikkveä'kkteä'ğğ. Tãn seu'rrjõssân sosiaal- da tiõrvâsvuõttministeria e'tkkii, što riikk ee'jj 2002 täällarvvlõ'sse vää'ldčeš mie'ldd pääđ riikkveä'kkteä'ğğ säa'mkiõllsaž sosiaal- da tiõrvâsvuõttkääzkkõõzzi tuõrvvmõõšsân saa'mi dommvuu'dest. Riikk ee'jj 2022 täällarvvlõõzz mie'ldd mie'rrtie'ğğ vuäžž ââ'nned riikkveä'kkteä'ğğ mähssmõõžž vääras Säa'mtee'ğğ pääi'k säa'mkiõllsaž sosiaal- da tiõrvâsvuõttkääzkkõõzzi tuõrvvmõ'sše da oudâsviikkmõ'sše säa'mtee'ğğgest u'vddum lää'jj (974/1995) 4 §:st ju'rddum saa'mi dommvuu'd kää'ddid. Tääim täävtõssân lij tuõrvvâd säa'mkiõllsaž sosiaal- da tiõrvâsvuõttkääzkkõõzzi vuäžžmõš. Ee'jj 2022 mie'rrtie'ğğ šorradvuõtt leäi 562.000 eu'rrred.

Säa'mtee'ğğ sosiaal- da tiõrvâsvuõttlu'vddkâ'dd lij 15.6.2022 raukkâm Lappi pue'rrvââjjamvuu'dest tää'rktum e'tkkõõzzid teä'ğğââ'nemarvvlõõzzines säa'mkiõllsaž sosiaal- da tiõrvâsvuõttkääzkkõõzzi tuõrvvmõ'sše da oudâsviikkmõ'sše ju'rddum mie'rrtie'ğğ âânnmõõžžâst ekka 2023 mââimõõzzâst 3.10.2022 (MEÄLDDÕS 1).

Säa'mkiõllsaž sosiaal- da tiõrvâsvuõttkääzkkõõzzi tuõrvvmõ'sše da oudâsviikkmõ'sše ju'rddum mie'rrtie'ğğin leä't kää'ddin riäššâm ee'jj 2022 puõ'tti kääzkkõõzzid:

Jeänõk

Säa'mkiõllsaž dommvie'kkteei Veahkki
 Säa'mkiõllsaž ä'lddhoi'ddjeei/dommvie'kkteei
 Säa'mkiõllsaž tiõrvâsvuõđhoi'ddjeei
 Säa'mkiõllsaž vasttõshoi'ddjeei, Muonio puõccisââ'jj

Aanar

Nuõrttsäa'mkiõllsaž dommkääzkkõõstuâjjlaž Če'vetjäu'r voudda
 Tävvsäa'mkiõllsaž dommkääzkkõõstuâjjlaž Täv-Aanar voudda
 Säa'mkiõllsaž ä'lddhoi'ddjeei, Männikkö kääzkkõõsdomm, vuässök Mustikka
 Säa'mkiõllsaž ä'lddhoi'ddjeei, Männikkö kääzkkõõsdomm, vuässök Hilla-Puolukka
 Säa'mkiõllsaž ä'lddhoi'ddjeei, Ä'vvel tiõrvâsvuõttkõõskõs
 Nuõrttsäa'mkiõllsaž sijddtuâjjlaž Če'vetjäu'rr-Njauddâm voudda
 Säa'mkiõllsaž sijddtuâjjlaž Täv-Aanar voudda

Sää'mkiöllsaž sijddtuâjjlaž Saujj-Aanar voudda
Sää'mkiöllsaž psykogeriaatlaž puõccihoi'ddjeei

Suä'djel

Sää'mkiöllsaž âkksas oummui dommhåaid kääzkkõõzzi riâššmõš (â'lddhoi'ddjeei)
Sää'mkiöllsaž sijddtuâjjla kääzkkõõzzi riâššmõš

Uccjokk

Sää'mkiöllsaž hoi'ddjemtuâjjlaž, Karigasnjargg
Auttaja-Aslak-toi'mmjummuš, Uccjokk
Auttaja-Aslak-toi'mmjummuš, Karigasnjargg
Sää'mkiöllsaž hoi'ddjemtuâjjlaž, Uccjokk-Nuorgam
Sää'mkiöllsaž toi'mmjummušvuä'psteei
Sää'mkiöllsaž tiõrvasvuõđhoi'ddjeei/dommpuõccihoi'ddjeei
Sää'mkiöllsaž psykiaatraž puõccihoi'ddjeei

Aanar kää'dd nuõrttsää'mkiöllsaž tuâjjla lie sõrgg jeältõkákksa da lij vuei'tlvaž, što suäna pä'cce
jeältõ'kke ee'jj 2023 päâ'jest. Uccjoogg sää'mkiöllsaž psykiaatraž puõccihoi'ddjeei lij
ve'rggluõvasvuõđâst.

E'tkkõs

Sää'mkiõl ohjeemjoukk 13.9.2022 e'tkkad vu'vddhalltõ'sse, što

- 1) vuv'ddhattõs e'tkke'çi Sää'mteggä, što sää'mkiöllsaž sosiaal- da tiõrvâsvuõttkääzkkõõzzi
tuõrvvmõ'sše da ooudâsviikkõ'sše ju'rddum mie'rrtie'ggin tuõrvčeš ee'jj 2023 tõið kääzkkõõzzid,
koid kää'ddin leä't kõõčmõõžžâst âarrai mie'rrtie'ggin ee'jj 2022 riâššâm.
- 2) Uccjoogg sää'mkiöllsaž psykiaatraž puõccihoi'ddjeei ve'rggluõvasvuõđ ääi'j suu pa'lkkẽemkoolid
va'rrjum mie'rrtie'gğ äâ'nčeš sää'mkiöllsaž puõccihoi'ddjeei pa'lkkummša Karigasnjaarg voudda.
- 3) Jos nuõrttsää'mkiöllsaž tuâjjlai vue'kk mottai, pue'rrvââjjamvu'vdd sagstâall o'ddest
Sää'mtee'ggin nuõrttsää'mkiöllsaž kääzkkõõzzid va'rrjum resuurs âânmõõžžâst nu'tt, što resuurs
ohje'češ ooudâs nuõrttsää'mkiöllsaž kääzkkõõzzid Če'vetjäu'r vuu'dest.

Ķiõtt'tõõllmõš

Ohjeemjoukk tuätt saaggstõõllmõõžžes, što tõt haa'lad tuõrvvâð änn'jõž kääzkkõõzzi
se'rddummuž. Ohjeemjou'kke lij vääžnai, što tõt le'be lu'vddkâ'dd vuäitt puõ'ttivuõđâst
tobdstõõttâð jee'res vuu'di kääzkkõõstaa'rbin tärkka, ouddmiârkkân äâ'kkjoouki mie'ldd, ouddâl ko
tue'jjad e'tkkõõzz halltõ'sse sää'mkiöllsaž sosiaal- da tiõrvâsvuõttkääzkkõõzzi tuõrvvmõ'sše
ju'rddum mie'rrtie'gğ äânmõõžžâst. Ohjeemjoukk pohtt ou'dde jeä'rben huõl sää'mkiöllsaž
pä'rnnpiârri da hie'lkelð õsttâm kääzkkõõzzi vuäžžmõõžžâst di âkksas oummui dââma jâlstummuž
tuârjjei kääzkkõõzzi ri'jttjeei meä'rest Jeänõõggâst.

Klemetti Näkkäljärvi e'tkkad, što ohjeemjoukk e'tkke'çi halltõ'sse, što tõt e'tkke'çi Sää'mteggä
nuu'bb sää'mkiöllsaž Veahki-tuâjjla pa'lkkummuž Jeänõ'kke.

Tu'mmstök

Sää'mkiöl ohjjeemjoukk 13.9.2022 e'tkkad vu'vddhalltõ'sse, što

- 1) vuv'ddhattõs e'tkķe'či Sää'mteggā, što sää'mkiõllsaž sosiaal- da tiõrvâsvuõttkääzkkõõzzi tuõrvvmõ'sše da ooudâsviikkmõ'sše ju'rddum mie'rrtie'ģģin tuõrvčeš ee'jj 2023 tõiđ kääzkkõõzzid, koid kää'ddin leä't kõõččmõõžžâst âarrai mie'rrtie'ģģin ee'jj 2022 riâššâm.
- 2) vu'vddhalltõs e'tkķe'či Sää'mteggā, što tõt miõđči teäggtoõzz nuu'bb Veahkki-tuâjjla pa'lķķeem vääras Jeänõ'ķķe.
- 3) Uccjoogg sää'mkiõllsaž psykiaatraž puõccihoi'ddjeei ve'rģģluõvasvuõđ ääi'j suu pa'lķķeemkoolid va'rrjum mie'rrtie'ģģ ää'nčeš sää'mkiõllsaž puõccihoi'ddjeei pa'lķķummša Karigasnjaarg voudda.
- 4) Jos nuõrttsää'mkiõllsaž tuâjjlai vue'ķķ mottai, pue'rrvââjjamvu'vdd sagstâäll o'dđdest Sää'mtee'ģģin nuõrttsää'mkiõllsaž kääzkkõõzzid va'rrjum resuurs âânnmõõžžâst nu'tt, što resuurs ohjje'češ ooudâs nuõrttsää'mkiõllsaž kääzkkõõzzid Če'vetjäu'r vuu'dest.

Vu'vddhalltõs 5.10.2022

Sää'mkiõllsaž kääzkkõõzzi da kiõl'laž vuõiggâdvuõđi ä'sštobddi Tuuli Miettunen 30.9.2022

Sää'mtee'ģģ sosiaal- da tiõrvâsvuõttlu'vddkâ'dd lij 15.6.2022 raukkâm Lappi pue'rrvââjjamvuu'dest tää'rktum e'tkķõõzzid teä'ģģââ'nnemarvvlõõzzines sää'mkiõllsaž sosiaal- da tiõrvâsvuõttkääzkkõõzzi tuõrvvmõ'sše da ooudâsviikkmõ'sše ju'rddum mie'rrtie'ģģ äânnmõõžžâst ekka 2023 mââimõõžžâst 3.10.2022. (Meâliddõs 1) Sää'mtee'ģģ lij miõttâm pue'rrvââjjamvuu'd sääbbaräi'ģģtaauli diõtt lââ'ssäi'j e'tkķõõzz tääimtummsa 5.10.2022 räjjā.

Sää'mkiõl ohjjeemjouk e'tkķõõzz vuâđald leä't valmštõõllmõõžžâst raajjâm teä'ģģââ'nnemarvvlõõzz mie'rrtie'ģģ äânnmõõžžâst ekka 2023 saa'mi dommvuu'd kää'ddi ee'jj 2022 teâđai mie'ldd. Riikkveä'ķķtie'ģģ ooccat õhttsa 753 658 eu'rred da pue'rrvââjjamvuu'd jii'jjes teäggtemvuä'ss lij 385 664 euroa (meâliddõs 2). Sää'mtee'ģģ da pue'rrvââjjamvu'vdd sagstâ'lle riikkveä'ķķtie'ģģ teäggtemvuâđain loppee'jjest 2023, kuä'ss äâ'net kääzkkõõspuõđlaž sagstõõllmõõžž pue'rrvââjjamvuu'd jii'jjes teäggtemvuä'zzi šorradvuõđâst. E'tkķõõzz teä'ģģââ'nnemarvvlõõžžâst jii'jjes teäggtemvuä'zzid leä't tu'mmjam kää'ddi ee'jj 2022 jii'jjes tueäggtemvuä'zzi vuâđald. Ođđ Veahkki-tuâjjla koolid leä't ärvvtõõllâm ouddlõs Veahkki-tuâjjla kooli vuâđald. Veahkki-tääim täävtõs lij tuärjjeed da tuõrvvâđ sää'mkiõllsaž äkksas oummuid, miõltiõrvâsvuõttsäursmeejid, lämmsid da pä'rnnpiârrjid jii'jjeskiõllsaž da -kulttuursaž tue'rj veäkka dââma pi'rģģummšest, sosiaalaž kontaakti da õhttõskõskkvuõđi tuõ'll'jummšest. Tuâjjlaž älgg pe'ce hâiddad dommhâiddamtuâjjaid, še tuärjjeed ä'sšnee'ķ sosiaal- da tiõrvâsvuõttkääzkkõõzzi ooccmõõžžâst da tääimad taarb mie'ldd ä'sšeemtulkkan da vuäppsen, tuärjjeed jee'resnallšem mu'ttemvue'jjin di tuärjjeed sää'mkulttuurä'rbbvuõđ seillmõõžž da tuõ'll'jummuž.

E'tkķõs

Pue'rrvââjjamvu'vddjäâ'dteei

Vu'vddhalltõs e'tkãkad Sää'mteggã, što

- 1) sää'mkiõllsaž sosiaal- da tiõrvãsvuõttkããzzkõõzzi tuõrvvmõ'sše da oudãsviikkõ'sše ju'rddum mie'rrtie'ggin tuõrvčeš ee'jj 2023 tõid kããzzkõõzzid, koid kãã'ddin leã't kõõčmõõžžãst åãrrai mie'rrtie'ggin ee'jj 2022 riãššãm.
- 2) Sää'mte'ggin meãtt teãggtõõzz nuu'bb Veahkki-tuãjjla pa'lkkẽem vããras Jeãnõ'kke.
- 3) Uccjoogg sää'mkiõllsaž psykiaatraž puõccihoi'ddjeei ve'rggluõvasvuõđ äãi'j suu pa'lkkẽemkoolid va'rrjum mie'rrtie'ggin åã'nčeš sää'mkiõllsaž puõccihoi'ddjeei pa'lkkummša Karigasnjaarg voudda.
- 4) Jos nuõrttsää'mkiõllsaž tuãjjlai vue'kk mottai, pue'rrvããjjamvu'vdd sagstããll o'dđdest Sää'mtee'ggin nuõrttsää'mkiõllsaž kããzzkõõzzid va'rrjum resuurs åãnnmõõžžãst nu'tt, što resuurs ohje'češ oudãs nuõrttsää'mkiõllsaž kããzzkõõzzid Če'vetjããu'r vuu'dest.

Lãã'ssteãđ

Tuuli Miettunen, sää'mkiõllsaž kããzzkõõzzi da kiõl'laž vuõiggãdvuõđi ä'sštobddi
t. 040 484 2676
tuuli.miettunen@lapha.fi

Tiu'ddepiijmõš

vãlddlõk Sää'mteggã